

## COSAS DE ONDARROA

Morga, Markinarra omen zen. Garai hartako administrazioan karguren bat izan behar zuen. Bizkaiko Aldundian? Pertsona berarengatik, “*Morga Txiki*” ere entzun izan dut.

Ondarroako untziolan txalupa egina, bukatuta, zegoen uretaratzeko prest. Uretaratzea, berriz, alde z aurretik iragarrita. Berria, Markinaraino ere heldua zen, antza. Eta ondarrutarrak nahiz inguruko jendea txalupa berriaren uretaratzea ikusteko irrikaz. “*Morga*” Markinatik abiatu eta heldu zen Ondarroara, iragarritako orduan. Ordea, zer gertatu zen? Itsasgora lehenago izan, eta jakina, txalupak beti itsasgoran uretaratzen zituzten. “*Morga*” Ondarroara iritsi orduko txalupa, dotore askoa, uretan zegoen. “*Moga*”k, ikusten zuena sinetsi ezinik, honela bota zuen: “Cosas de Ondarroa”. Geroztik, esaldi hori famatua izan da herrian. Beste inon gertatzen ez den zerbait nahiz gertera arraron bat ematean errepikatzen da “*Morga*”ren esaldi famatu hau: “Cosas de Ondarroa”.